



Kukkunersiunermut Ataatsimiititaliaq
ATT: Ataatsimiititaliamut siulittaasoq Mikivsuk Thomassen

17-10-2024
Sags nr. 2024 - 19755
Akt. id. 24673852

Postboks 970
3900 Nuuk
Tlf. (+299) 34 50 00
Fax (+299) 34 63 64
E-mail: isn@nanoq.gl
www.naalakkersuisut.gl

Ataatsimiititaliamit apeqquummut 04.10.2024-meersumut akissuteqaat

Asasara Mikivsuk Thomassen,

Kommuninut nakkutilliinermut tunngatillugu apeqqutissinnut qujanaq.

Apeqqutit akissutaannik malitseqartillugit ataani allanneqarput. Akissuteqaatip suliarinerani Aningaasaqarnermut Akileraartarnermullu Naalakkersuisoqarfimmiit ilanngussassamik pissarsiniartoqarpoq, akissummi ilaannakortumik ilanngunneqartoq.

Kommuninut nakkutilliineq ataatsimut isigalugu:

- 1. Ataatsimiititaliap kissaatigaa, kommunit aqunneqarnerat pillugu Inatsisartut inatsisaat nr. 29, 17. november 2017-imeersumi § 47 naapertorlugu Naalakkersuisut nakkutilliinissamik pisussaaffeqarnertik qanoq ilillugu eqqutitinneraat paasinarlugu.**

Naalakkersuisut sinnerlugit Nunamut Namminermut Immikkoortortaqaarfik kommunit aqunneqarneranni ingerlatsineq pillugu nakkutilliisuvoq. Immikkut naammagittaalliuteqartarfiit nakkutilliisuutitallu aalajangiiffiginnaasaanni Naalakkersuisut nakkutilliisinnaanngillat.

Aqunneqarnermut inatsit malillugu Kommuninut Nakkutilliisoqarfik piginnaatinneqarnerat naammagittaalliummik assigisaanilluunniit apeqqutaatitsingilaq. Nakkutilliisoqarfiup nammineq ingerlataminik suliassamik aallartitsinnaanerani takussutissaqarpoq. Suliassamik aallartitsinissamut pisussaaffimmut taamaallaat tunngaviuvoq ersarissumik unioqqutitsisoqarnerasoq. Suliassaq Nakkutilliisoqarfiup qanoq ililluni ilisimasaqarfigilerneraa apeqqutaatinnagu suliarineqalersinnaavoq. Piviusumik suliassamik aallartitsinermut pissutaasoq tassaasinnaavoq innuttaasumiit, suliffeqarfimmiit, kommunalbestyrelsimi ikinnerussuteqartuniit imaluunniit oqartussamit allamiit saaffiginnissut. Aqunneqarnermut inatsimmi inuit imaluunniit allat Kommuninut Nakkutilliisoqarfimmut naammagittaalliuteqarsinnaatinngilai, tamannalu isumaqarpoq, saaffiginnissutip nammineq Nakkutilliisoqarfiup suliassamik aallartitsinissamut pisussaaffilerlugit peqqussutaasinnaanngitsoq. Taamaattoq Nakkutilliisoqarfik pisussaavoq inatsisitigut piginnaatitsissut suliarissallugu taamaattumillu saaffiginnissutit attuumassuteqartut isiginngitsuusaarsinnaanagit. Tamanna pissusiviusumik isumaqarpoq, kommunalbestyrelsi pillugu naammagittaalliutit tamaasa, naammagittaalliuteqartarfinnut oqartussanulluunniit allanut tunniunneqarsinnaanngitsut, Kommuninut Nakkutilliisoqarfimmiit suliarineqassasut.



Nakkutilliineq aallaaviatigut kommuninik qanimut suleqateqarluni ingerlanneqartarpoq, inatsisit naapertorlugit suliassaminnik ingerlatsiniarlutik anguniagaqartut tatiginninneq tunngavigalugu. Kommuninut Nakkutilliisoqarfik tunngaviumik oqaloqatigiinneq pillugu suliniartarpoq aamma sapinngisamik ammasumik ingerlatsineq anguniartarlugu. Nakkutilliisoqarfik pisariaqartitsisoqartillugu ilitersuisarpoq siunersuisarlunilu, suliassanilu attuumassuteqartuni siumoortumik oqaaseqaatinik oqaaseqaatinillu missingersuutaasunik ilanngullugu suliqaarsinnaalluni.

Ilisimatitsissutigineqassaaq, Nunamut Namminermut Immikkoortortaqaqfimmu Kommuninut Nakkutilliisoqarfik 2024-mi 57-inik ilitersuinermit nakkutilliinermullu suliassanik aallartitsimmat, taakkunannga suliassat 15-it suli suliarineqarlutik.

2. Peqatigalugu Ataatsimiititaliap kissaatigaa siunissami kommuniniit suliassat assingusut pinngitsoortinniarlugit Naalakkersuisut qanoq suliniuteqarnersut paaserusullugit.

Kommuninut nakkutilliinermut nukittorsaaneq, tassunga ilanngullugu ingerlatsinermik nakkutilliineq, isumalluutit annertusinerisigut sulisullu amerlinerisigut, kommuninut nakkutilliinermik pitsaanerusunngortsitsissaaq.

Isumaginninnermut, Ilaqutariinnut, Suliffeqarnermut Nunamullu Namminermut Naalakkersuisoqarfik kommuninut nakkutilliineq pillugu aqqissuusseqqinnissaaq aallarnisarniarlugu nalilersuivoq, Naalakkersuisut kommuninut nakkutilliinermi suliassat ingerlatsivimmu ataatsimut nukittunerusumut katersorniarneqarlutik. Peqatigalugu Nakkutilliisoqarfiup maannakut aqqissuussaana naapertuunnerpaanersoq pillugu naliliisoqarniarpoq.

Aningaasaqarnermmut Akileraartarnermullu Naalakkersuisoqarfiup ilisimatitsissutigaa, kommunit suleqatigalugit aningaasartuutitut nakkutilliinermut unioqutitsisoqarsinnaanermullu sakkussamik ineriartortitsillutik, kommunit aningaasaqarnerisa aqunneqarneranni isumannaannerulersitsisussaaq siumullu takunnissinnaanererulersitsisussaaq. Aningaasaqarnermmut Akileraartarnermullu Naalakkersuisoqarfiup ilanngullugu ilisimatitsissutigaa, kommuninik aningaasaqarnikkut nakkutilliineq pillugu tamakkiisumik allaatiginninnissaaq suliariniarlugu aallarnisaalluni kiisalu aningaasaqarnikkut nalunaarusiornermi pitsaanerusumillu akiliisinnaassuseqarnermik aqutsinermut sakkussamik ineriartortitsilluni.

3. Ataatsimiititaliap naggataatigut Naalakkersuisut kommuninut pineqaatissiissutigisinnaasaat pillugit nassuiaammik kissaateqarpoq.

Aqunneqarnermut inatsimmi tunngaveqartumik pineqaatissiissutaasinnaasut

Naalakkersuisut suliassaaq pineqaatissiissutaasinnaanersoq pillugu isummernissaaq siunertarlugu Nakkutilliisoqarfimmu saqqummiunneqarnissaaq pillugu aalajangiisnaapput.

Aqunneqarnermut inatsimmi kapitali 6

Nakkutilliisoqarfiup kommunalbestyrelsi aalajangiinera, kommunip aalajangiinera unioqutitsinerunersoq suliarineqarnerata nalaani, unitsikkallarsinnaavaa. Tamatuma saniatigut Nakkutilliisoqarfiup kommunalbestyrelsimi, aningaasaqarnermut ataatsimiititaliamit imaluunniit ataatsimiititaliamit ataavartumit, inatsisinut akerliusumik aalajangiisoqarpat, aalajangiineq atorunnaarsissinnaavaa. Nakkutilliisoqarfiup aalajangiineq, piviusunngortinneqareerpat innuttaasunut imaluunniit oqartussanut allanut atatillugu



inatsisitigut sunniuteqalereerluni, atorunnaarsissinnaangilaa. Aalajangiineq piviusunngortinneqartarpoq, kommunip innuttaasumut imaluunniit oqartussamut, aalajangiineq tunngatinneqartoq, nalunaarutigippagu.

Naak kommunimiit aalajangiineq piviusunngortinneqareeraluartoq, Nakkutilliisoqarfiup atorunnaarsinnissaanut periarfissaqarpoq, tulliuuttu piumasaqaatit naammassineqarpata:

- Suliami susassaqtarup arlaata Nakkutilliisoqarfimmut allakkatigut piumasaqaateqarneratigut mianerisassallu annertuut, pingaartumik inuttut soqutigisat tamatumunnga akerliusumik aporfiunngippata
- Inatsisiliornerup allatigut naammagittaalliuuteqarnissaq periarfissaqartinngippagu mianerisassallu annertuut, pingaartumik inuttut soqutigisat tamatumunnga akerliusumik aporfiunngippata

Aqunneqarnermut inatsimmi kapitali 8

Kommunalbestyrelse inatsisit naapertorlugit pisussaaffimminik naammassinninngippat, Nakkutilliisoqarfiup kommunalbestyrelsimut ilaasortat ataasiakkaat pisunut akisussaasut pinngitsaaliissutinik akilersuisussanngortissinnaavai.

Kommunalbestyrelsip siunnersuut inatsisinut akerliusoq suliarippagu, ilaasortat tamarmiullutik siunnersuutip itigartissutigineqarnissaa akisussaaffigivaat. Siunnersuut akuersissutigineqassagalarpat, Nakkutilliisoqarfik periarfissaqarpoq ilaasortat, siunnersuummut akuersissuteqartut, aamma ilaasortat taasinngitsoortut, pinngitsaaliissutinik akilersuisussanngortissinnaallugit.

Nakkutilliisoqarfik kommunalbestyrelsimut ilaasortamut eqqartuussivikkut taarsiissuteqarnissamik piumasaqaateqarsinnaavoq, kommunip annaasaqarluni ajunaaruteqarneranut akisussaasuuppat. Pisussaaffimmik sakkortuumik sanioqutitsineq imaluunniit iliuuseqannginnerit kisimik pineqanngillat, kisianni aamma mianersuaalliornikkut iliuutsit iliuuseqannginnerillu akisussaaffimmik qimarratigineqarsinnaangitsut. Nakkutilliisoqarfiup suliaasannortitsinini utertissinnaavaa, ilaasorta pineqartoq piffissaliussap aalajangersimasup iluani aningaasanik aalajangersimasunik kommunimut akiliippat.

Kommunalbestyrelsimut ilaasorta kommunalbestyrelsimut ilaasortatut pisussaaffimminik sakkortuumik sanioqutitsisoq pinngitsaaliissummik akiliisussanngortinneqarsinnaavoq. Pinngitsaaliissummik akiliisussanngortitsinermit kommunalbestyrelsimut ilaasortap iliuuseqarneri iliuuseqannginneralu ilaatinneqarput. Pisussaaffinnik, kommunalbestyrelsimut ilaasortap pisussaaffigisai, unioqutitsinerit sakkortuut, tassunga ilanngullugu pinngitsoorani takkuttussaaneq, ilanngullugit ilaatinneqarput.

Missingersuutitut naatsorsuutinullu inatsit

Missingersuutitut naatsorsuutinullu inatsimmi kapitali 5

Kommunit tamarmik ukiumi aningaasanut inatsiseqarfiusumi piffissani aalajangersimasuni erseqqinnerusuni aningaasartuutit kingullermik nakkutilliinermi inernerit pillugit naalakkersuisumut piginnaatinneqartumut paasissutissanik nalunaaruteqartassapput. Aningaasartuutit kingullermik nakkutilliinermi inernerit pillugit kommuni nalunaaruteqarsimangippat, naalakkersuisoq piginnaatinneqartoq nalunaassaaq kommuni ullut suliffiusut qulit qaangiutsinnagit nalunaaruteqassasoq. Piffissamut killiliussaqa qaangerneqarpat nalunaaruteqartoqarnissaa tikillugu kommuninut ataatsimoortumik tapiissutit tunniunneqartussat 10 procentii uninngatinneqassapput.



Naalakkersuisoq piginnaatinneqartoq akulikinnerusumik aningaasartuutunik misissueqqusilluni aamma paasisutissanik tunniusseqqusilluni kommunimut peqqusisinnaavoq, matumani kingullermik aningaasartuutunik nakkutilliinermi inernerit kommunimut ukiumoortumik naatsorsuutitigut kisitsisit inaarutaasut isertitassatut naatsorsuutaasunut 2,5 procent sinnerlugu amigartoorfusinnaanerit takuneqarsinnaassappat. Naalakkersuisoq piginnaatinneqartoq aningaasartuutunik misissueqqissaartoqarnissaanik kommunimut peqqusisinnaavoq.

Kommunit tamarmik ukiumi aningaasanut inatsiseqarfiusumi nutaami kingusinnerpaamik qaammatit pingasut siullit naaneranni misissussavaat, ukiumi aningaasanut inatsiseqarfiusumi kingullermi aningaasartuutit pillugit naatsorsuutit kisitsisitaasa kommunip ukiumi aningaasanut inatsiseqarfiusumi kingullermi isertitaat sipporsimaneraat. Kommune ataaseq nalunaaruteqanngippat, Aningaasaqarnermut Naalakkersuisoqarfiup kommune ullunik suliffiusunik qulinik piffissalerlugu nalunaaruteqaqqussavaa. Piffissaliussaq malinneqanngippat kommunip nalunaaruteqarnissaata tungaanut kommunimut tapiissutissat 10 procentii uninngatinneqassapput.

Naalakkersuisoq piginnaatinneqartoq kommunip ukiuni siuliini sisamani naatsorsuutai isertitaniit 2,5 procent sinnerlugu amerliartorfiusumik amigartoorfusut paasineqarpat ukiumi tapiissuteqarfiusumi kommuninut ataatsimoortumik tapiissutaanik ilanngaassaaq. Ukiuni aningaasanut inatsiseqarfiusuni pineqartuni isertitat 2,5 procent qaangerlugu amigartoorfusimappata ukiumi aningaasanut inatsiseqarfiusumi siullermi aningaasat 40 procentiinik ilanngaasoqassaaq. Ukiuni aningaasanut inatsiseqarfiusuni pineqartuni isertitat 2,5 procent qaangerlugu amigartoorfusimappata ukiuni aningaasanut inatsiseqarfiusuni tulliuuttuni pingasuni aningaasat 20 procentiinik ilanngaasoqassaaq.

Missingersuutitut naatsorsuutinullu inatsimmi kapitali 8

Missingersuutitut naatsorsuutinullu inatsit malillugu pisussaaffigisanik kommunalbestyrelsi isumaginnikkusunngippat Nakkutilliisoqarfik kommunalbestyrelsimi ilaasortanut pisussaaffimmik isumaginnikkusunngitsunut pinngitsaaliissummik akileeqqusilluni peqqusisinnaavoq.

Kommunalbestyrelsimut ilaasorta q kommunalbestyrelsimi ilaasortatut pisussaaffimminik sakkortuumik unioqqutitsisoq akiliisinneqartussanngortinneqarsinnaavoq. Assuarliut taamaallaat Nakkutilliisoqarfiup piunasaqarneratigut pisinnaavoq.

Kommune Kujalleg pillugu immikkut: ISERTUUSSASSAQ

Inussiarnersumik inuulluaqqusillunga

Jess Svane